



Epistola R. P. Ludovici Davaugour ad R. P.
Iosephum Germain, superiorem Gene-
ralem Missionum Canadensium,
De Missione Lauretana in
Nova Francia 1710.

PETIT a me R^a. V^a. ut ipsam certiore faciam
de statu nostræ Missionis Lauretanæ. Morem
illi geram in hac epistola, in qua tametsi nihil
splendidum leget ac magnificum, cujus modi plurima
referentur de aliis Missionibus; non sine voluptate
tamen, ut opinor, audiet, quam vitæ rationem Huro-
nes hic nostri teneant quas pietatis exercitationes
quotidie usurpent. Id vero tanto fidentius per-
scribam, quanto minorem in iis, quæ dicam, partem
habeo: totum hoc debetur [secundum Deum,] curæ
industriæque R. P. Decouvert, quem ægra valetudo
Quebecum proxime revocavit, ut commodius in colle-
gio nostro curaretur. Hujus ego in locum, licet
impar, Suffectus, quæ [in hoc oppidulo Lauretano]
vidi, et comperi, narrabo.

Nonnullus reperire est qui existiment, ac porro
scribant, Canadense solum sterile penitus ac infecun-
dum esse, in quo scilicet Evangelii præcones duri et
longi laboris fructum vix ullum percipiant. Eos de-
docere unus hic Lauretanus pagus potest. Equidem